

欽定大清會典事例

欽定大清會典事例卷一千一百二十二

八旗都統

兵制

批補礮甲

火器 舊收一

批補長槍藤牌兵

軍器

批補礮甲○順治六年覆准八旗漢軍召募礮甲。每旗額設五十名。嗣後缺額即以其子頂補。無子者行咨外省選取。康熙六年覆准礮甲缺額。停令外省咨取。聽該旗都統於步甲內的量補用。○八年覆准礮甲缺額。或以旗下舊人。或以駐防帶回之召募礮甲。各旗酌量頂補。無可補者。以召募礮甲子弟頂補。○五十九年奉

旨。礮甲缺額。以內務府旗鼓佐領下人兼選。○乾隆二
十八年。奏裁八旗礮甲。並停其挑取馬甲。嗣後
礮甲缺出。惟在礮甲子弟內挑補。俾得長久演
習精熟。奉

旨。每旗著裁去十缺。其餘四十缺內。著二十缺作為食
三兩錢糧礮甲之缺。將所裁十缺銀米。即共給伊
等其餘缺分。仍為食二兩錢糧礮甲之缺。如食三兩
錢糧礮甲缺出。即於食二兩錢糧礮甲內擇其善者
挑補。

統補長槍藤牌兵。○雍正二年議定。八旗滿洲

蒙古每佐領下派護軍四名。馬甲四名。學習長槍。漢軍每佐領下派馬甲四名。學習藤牌挑刀。
○乾隆六年議准。藤牌兵歸併大營。每旗百名。於槍手額內挑取。並揀選參領一員。散秩官。駝騎校各二人。領催五人。令其管轄。

軍器。

國初定。都統各給龍轟一。佐領各給轟一。領催各給小旗一。各依本旗之色。○又定。八旗甲背。盔纓。皆用旗色。號帶上書銜名。文武官弁。皆同。都統。盔槍插雕翎。二作燕翦形。垂貂尾。為纓。副都

統以下官。盔槍插獺尾。垂紅纓。驍騎校鐵盔槍。紅纓領。催馬甲均垂黑纓。甲衣及護項護耳。官以緞為表。兵以繡布為表。均傳以鐵葉。○順治五年覆准。八旗甲兵需用盔甲軍器均移文工部造給。或給銀令其自製。務須整齊。每年秋季點驗軍器。○康熙六年定。都統以下驍騎校以上均給弓二。撒袋一。佩刀一。都統箭四百。副都統三百五十。參領二百五十。佐領二百。驍騎校一百。馬甲各給弓一。撒袋一。箭五十。每馬甲二人給長槍一。惟正黃正紅旗朝鮮法領馬甲各

給烏槍一。○又定八旗驍騎營每佐領下各設海螺一。每參領下各設海螺一。○二十四年定八旗漢軍每佐領下設鹿角一架。每架設鄂爾布四名。後增四名每名給連枷棍各一。○雍正元年議准八旗以軍器質當者。官革職。兵鞭一百。革退軍器追繳。該管官失察者。罰俸一年。○二年

諭正藍旗滿洲蒙古漢軍三旗兵丁不能置備器械者。共計三百八十九名。著照正白旗滿洲例賞銀。令其置備。其餘他旗賞銀置備器械之處。即照正藍旗所奏佐領下人多寡定數。動內庫銀兩賞給。令其置備。

器械。但於今年十月內點看。爭相置買。其價必然倍增。未必今年即能備具。今於今年十月點看一半。明年十月再行全看。如此則價值不至騰貴。而兵丁等亦易於置辦。但今年點看一半。其餘一半明年點看。其中有挪移頂替者。亦未可定。著於明年點看時。即行閱看兵丁。或朕躬親閱。或派王大臣閱看。著八旗都統會同總理事務王大臣議奏。再從前曾經禁止質當盔甲器械等物。今再嚴加禁約。交與八旗五城於京城內外當舖中所有盔甲器械。著以來年正月為限。此時稍寬其期。俾得辦理完結。正月以後。朕派

侍衛官員將各當舖稽查。察僮經查出。務將五城官員及開當舖人質當之人。並該管稽查人等從重治罪。

○又定。八旗滿洲學習長槍之護軍馬甲。人各給長槍一。每旗設轟二。每參領下設旗二。學習藤牌之漢軍。人各給藤牌一。刷刀一。每旗各設海螺五。又烏槍營礮營每旗各設鼓一。金五。○五年覆准。官兵遇升遷事故。其本人舊有軍器。係動官項製備者。給予頂補之人。若係本人自製者。官員聽其自便。兵丁軍器。該管官視其利鈍酌量定價。給新補之兵。即將新補兵丁名下

應領錢糧陸續扣給原主。○六年

諭軍器乃戎政攸關。該管上司各官。理應不時稽察。令其整齊完備。乃考察不嚴。致有虧少。本應將該管官員照部議處分。但此係初次查點。姑從寬免。嗣後再遇查點。若有似此殘缺不備者。定將該管各官治罪不貸。○又奏准兵丁將軍器私賣者。皆革退交刑部治罪。失察之該管官罰俸一年。○又議准兵丁私賣軍器。應行嚴禁。嗣後緣罪革去兵丁之軍器。撤回給付本缺挑補之人。升轉亡故兵丁之軍器。係賞銀置備者。交該佐領查估價值。呈明

都統給付本缺挑補之人。每月坐扣半分錢糧。照價給付本人。其內有本身置備者。著佐領會同驍騎校護軍校等傳集原置兵器之人。並本缺挑補之人。當面估價。務使兩相情願。方准賣給。將其錢糧於三箇月內陸續扣還。給付原人。若因價不符不願賣者。皆給限三箇月令其置備。若有私賣等情。犯者照例治罪。其疏忽失察之佐領驍騎校等交部察議。○七年

諭前年派王大臣等閱看軍器。恐其挪移轉借。故令各旗另行封貯。俟八旗閱畢時。始令各旗領去。想今年

軍器必皆完備。閱畢即令本人領去。不必另行封貯。嗣後遇閱看軍器之年。其應否封貯之處。仍著請旨。

○十年

諭八旗兵丁等所用之箭。市買現成者居多。不利於用。著傳諭衆人。務將箭鏃造長。將箭杆受鏃處及箭扣處俱用筋纏。嗣後點驗軍器時。即照此點驗。至於鉛子之模。各照所用槍口製造。如鉛子有與槍口不合者。另鑄備用。○十二年議准。凡城上及各該班處。所有軍器。俱交與各該管大臣等。每烏槍一杆。豫備十出。火藥鉛子。烘藥火繩等物。令其輪班交

收其長槍之柄俱更換攢竹白蠟等木其腰刀
務令佩帶長而銛利者勒限一年更換。倘仍有
不堅利整齊之處一經查出將該管大臣官員
等交部察議。○乾隆十五年

諭八旗官兵器械缺少者均咨部官為造給器械內弓
箭尤為緊要惟賴不時整理善為收貯曾經奏准施
行今都統等或因日久廢弛亦未可定著再傳諭務
遵原奏留心稽察。二十三年奏准官員軍器盔甲
自行補製較官製更為堅固其由工部製造之
處永行停止。○又奏准護軍校驍騎校等盔甲

改交製造棉甲處製造存儲。○二十五年奏准製造賞給新滿洲烏拉齊索倫等梅鉞箭均停止製造。○二十六年奏准八旗官員兵丁請造箭枝交武備院製造其箭杆箭翎等項價工銀兩仍照例由該官員兵丁俸餉內扣留。○又議准嗣後有私當官給衣甲旗幟軍器者照軍人私賣例減一等杖一百徒三年收當之人照私有軍器計數治罪律減一等問擬軍器及當本利息均照例入官失察該管地方與該管將領各官交部分別議處。○四十一年奏侍衛鑿儀

衛文武官員並兩翼前鋒營

圓明園護軍營健銳營上三旗包衣護軍營火器營大臣官員軍器均照兵部之例五年一次自行奏請點驗奉

旨。摺內各該處軍器嗣後遇應行點驗之期俱著交兵部一體奏派王大臣點驗。毋庸自行奏請。再旗員內如護軍校筆帖式等微末員弁。所有軍器可毋庸點驗。以示體恤。其應如何酌定章程之處。著兵部另議具奏。欽此。遵

旨。議定。嗣後文職武職官員與護軍校筆帖式品級相

同者。所有軍器一體免其點驗。○四十六年奉
旨。三旗侍衛鑾儀衛章京等。盡甲著停其點驗。○又議
准。嗣後遇查驗。盡甲軍器之年。將六七品以下
官員及兵丁軍器。概行查驗。並按現因閱兵成
造。盡甲一萬八千餘副之數。由武備院製造。腰
刀。撒袋弓。數一萬八千分。梅鐵箭十八萬枝。分
給兵丁等收存公所。以備查驗。○又

諭製造此項腰刀撒袋弓。數需用銀兩。不必由兵丁錢
糧內坐扣。著加恩由內庫銀兩內。賞六萬五千兩。製
造整齊。腰刀著交造辦處製造。撒袋弓。數著交武備

院製造。○四十七年

諭。此項腰刀、梅鉢、箭、撒袋、弓、數，不必分貯各旗。著由該處造箱妥載存貯。端門樓仍派內務府管領數員專管。每年四季留心瞭曬。毋得令至潮鏽。八旗各營需用時領用。用畢仍交回原處存貯。○五十二年

諭。文職七品以下、武職六品以下微員，盔甲軍械。嗣後著停其點驗。○嘉慶七年奏准。嗣後八旗護軍前鋒官兵、旗、纛、盔甲、長槍、烏槍等項軍器，照直隸各省綠營修製年分逐件比照定限入例。遇應行更換，如有動用官項銀兩製造，及由工部等處

支領者俱造冊報部覈准後再行製造支領○
八年

諭前經兵部奏請點驗八旗官員盔甲器械朕即念及各該旗官員等恐未能一律完備特因該部聲明乾隆五十三年以後迄今十數年來未曾點驗是以降旨照例舉行今據御史體德奏八旗官員向有盔甲器械者年久大都微朽不全其新任官階者亦未能及時豫備此時爭相購買商賈乘間居奇實屬難於籌辦等語所奏亦係實在情形但戎政攸關若不覈實查點日久更形廢弛著兵部查明八旗應行點驗

查甲器械文武官員。此時是否俱能齊備。或須量為展限。趕緊製備。聽候點驗之處。妥議具奏。俟奉 upper 時。再降諭旨。欽此。遵

旨。議請展限一年。再行點驗。奉

旨。兵部議奏。查明八旗應行點驗。查甲器械官員。請展限辦理。一摺。著照所議行。惟內稱健銳營內務府三旗護軍。圓明園八旗內務府三旗。恭遇大閱。並無執事。各該營官兵。均請免其製備查甲。此則非是。向來健銳各營。雖遇大閱之期。例無應行操甲等事。但營政攸關。一切查甲。自應如式製備。以壯軍容。若因各

該營官兵不在大閱數內。輒將所用盔甲竟免製備。殊不足以昭體制。嗣後健銳等營。不過免其點驗。所有盔甲仍著一體自行製備。至文職三品以上不兼武職人員均著免其製備盔甲。○十八年

諭國家修明武備。禁暴戢姦。必平日紀律嚴明。器械堅利。方足稱干城之用。近因承平日久。漸就廢弛。卒伍既多怯懦。軍器敝壞相仍。一有緩急。備禦全不足恃。即如前月十五日賊匪突入禁門者。僅止數十人。各處守門官兵不能立時擒捕。甚至各門所備弓箭刀矛。全係飾觀。不堪應用。尤為可詫。夫慎簡軍實。器械

為先。全在鋒銛堅利。方能殺敵致果。即壯勇兵丁。亦不能徒手搏賊。况恒怯之人。加以朽敗之器。何怪其臨事倉皇乎。軍政若此。不可不亟亟整飾。着兩翼前鋒統領八旗護軍統領將紫禁城內例設各項軍器逐一查點可用者若干。應行修理補造者若干。各城門及各堆撥例設軍器。並各營應用軍器。交八旗都統副都統步軍統領及管理圓明園暨火器營健銳營大臣等一體確查據實具奏。至遲在本月二十日之外。若遲延推諉。耽閣不辦。自行摘去翎頂。議罪具奏。朕另簡賢臣辦理。不患無人也。並着武備院先

查明該院現存各項軍器共有若干。開單具奏。所有各處軍器殘缺不全者。先將該院現存軍器撥補。再有不敷。動項製造。各該營大臣不得以籌款為詞。遷延時日。俟會齊交工部等衙門確數需項若干。奏上。朕發帑飭修。勒限報完。另派大臣前往查驗。如有製造不精通。融短缺等弊。必將該管大臣從重治罪。

火器○

國初遣官鑄巨礮。號神威大將軍。康熙十四年鑄大礮八十。十五年鑄礮五十有二。

欽定名號為神威無敵大將軍。十九年造鍍金龍礮。

八。二十年造銅礮二百四十。

欽定名號為神威將軍。二十四年造鐵心銅礮八十

有五。二十五年造鍍金龍礮一。二十六年

鑄礮五。

欽定名號為威遠將軍。即衛天礮。二十七年福建進臺灣

銅礮雲南進渾銅礮。二十八年造大礮六十

有一。

欽定名號為武成永固大將軍。又造礮八十。號為神功

將軍。二十九年造鐵子母礮二百有二。三

十四年鑄銅礮四十有八。

欽定名號為制勝將軍。○五十七年造威遠將軍銅礮
十。○五十八年造威遠將軍銅礮十有六。○六
十年造鐵子母礮六。○雍正五年

諭子母礮係軍中最緊要之利器。今每旗現有六位。朕
意以為尚少。若再添設四位。每旗湊成十位之處。著
管理大器營大臣等議奏。欽此。遵

旨議定。增製威遠將軍鐵礮十。鍍金子母鐵礮十有七。
鍍銀子母鐵礮十有四。子母鐵礮三。○十年浙
江進木把鐵子母礮。工部交木把佛郎機鐵子
母礮。○十二年廣東進九節銅礮。○乾隆二年。

工部製造行營鐵礮。○十九年鑲黃正白二旗
火器營換鐵子母礮三。○三十一年正白旗火
器營換鐵子母礮一。○三十四年八旗火器營
請修鐵子母礮九。經造辦處查明礙難修理由
庫存礮內撥給應用。○四十年正黃鑲紅二旗
火器營換鐵子母礮各一。○四十四年正藍旗
火器營換鐵子母礮一。○五十三年鑲白旗火
器營換鐵子母礮一。○嘉慶五年造鐵子母礮
五十有五。○六年奏准修理八旗漢軍礮局存
儲神威無敵大將軍銅礮十三位。神威將軍礮

一百位。烘門衝壞之處，俱改作鋼料螺螄。七年，鑲紅旗火器營換木把子母礮一。二十二年，正白旗火器營換鐵子母礮一。又定八旗漢軍礮局所存礮，鑲黃旗六十九位，正黃旗六十八位，正白旗六十九位，正紅旗七十四位，鑲白旗六十二位，鑲紅旗六十五位，正藍旗六十二位，鑲藍旗七十二位。咸豐六年，造大銅礮十。

欽定名號為威武制勝大將軍。又鑄鐵噴礮二十。鐵礮

十有二。

畜牧○康熙三十四年議准八旗滿洲蒙古每
佐領下養馬二十八匹○漢軍養馬二十五匹○
又議准每兵養馬一匹○三十六年○平定朔漢
將漢軍所養之馬全行裁去○滿洲蒙古所養之
馬酌量裁減仍照前每佐領下共養馬二十八
匹○三十七年奉

旨○八旗佐領下所養之馬每佐領下或留六匹○或留七
匹○其餘於四月內出廠牧放○九月初間回京○如此不
但減省錢糧○其殘疾之馬亦可牧放壯健○其出廠牧
放之時○每旗簡副都統各一人○參領各二人○其官員

兵丁酌量派往於水草好處收放著大學士會同戶
兵二部議奏欽此遵

旨議定八旗所養之馬每佐領下存留七匹其餘馬於
每年四月初十日以內各旗出廠收放九月初
開回京○三十九年議准每佐領下增養駝一
隻○雍正元年覆准嗣後官馬俱交參領佐領
曉騎校等於各佐領下擇其兵丁之小心者餵
養儘不拴養馬匹冒領錢糧除本人治罪外不
行查出之該參領佐領等交部議處○又議准
八旗設立官馬駝隻今各旗都統與兵部嚴行

查閱。如於定限八十日內。不能令馬駝肥壯。有誤動用者。將拴養之人。與都統以下官。照例議處。○二年。奏准官馬出牧。往回之時。不許不肖之徒。乘間網利。馱載物件。夜間亦不許將馬入圈。其馬駝回京之日。兵部會同該旗都統等驗看。若有疲瘦不堪者。該參領佐領等。交部議處。○三年。議定出牧馬匹。遇有倒斃損傷者。由該佐領下買補。若有遺失者。令出牧之副都統以下等官。賠補。每歲出牧馬匹回京時。仍令兵部大臣八旗大臣等。會同驗看肥瘠具奏。○又議

准嗣後出牧官員遇有切近喪事者由出牧之副都統行文該旗另行派員前往更換如有婚嫁等事給假一月行文該旗俟事竣准令前往若乞假官員逾限不回罰俸一年副都統參領等不加詳覈即給假者罰俸六月如有觀望逗遛及潛行回旗者該管參領呈明副都統參奏嚴加議處○四年

論凡出牧之官兵人等理應揀擇善水草之處牧放馬匹飲水拴吊各按其時因牧放馬匹之事甚關緊要所以委派大臣參領官員等帶領兵丁前往爾等不

可輕視。再管轄之道。應舉其優員。俟朕加恩。劣者即行題參。嚴加處分。兵丁內如有不堪者。爾等即痛責革退。其餘仍不知畏懼。拏交該旗大臣從重治罪。

又議准官馬火印。定為長三寸。徑二寸。文曰某旗官馬。每旗滿洲五參領。蒙古二參領。定為七樣小火印。凡新換馬匹。俱令都統等驗看。烙該旗火印。再交參領等烙。該參領火印。如有不堪用之馬。參領佐領等呈都統驗明。毀其烙印。更換。儻有私行更換等弊。查出指名題參。○五年

諭馬駝折騰之法。最為緊要。折騰得法。則馬駝不躓不

跛且臆亦甚壯容易不瘦。今見拴養馬駝之兵丁等
多皆不知折臆之法。因將拴養馬駝折臆之法。特行
開錄宣諭東官兵等。東官兵務各加意學習。○又復
往。每年出牧時。將前鋒護軍內年少未經隨圍
者。每佐領下各選一人。令往馬廠與馬甲等一
同操演騎馬巡查看守。庶馬上可得熟練。每旗
委護軍校二人。前鋒校一人。令其管轄其護軍
參領不必委往。即令出牧之副都統參領等兼
管。奉

旨。既令前鋒護軍前往。著委護軍參領四人。與驍騎參

領將前鋒護軍領催馬甲等。同管轄若某旗委出
護軍參領其本旗之驍騎參領。即不必委往。○六年
議准馬駝出廠。左翼四旗由古北口出入。右翼
四旗由張家口出入。○又議准向例上駝院所
有駝一百隻。每年於青草出時。將一半出牧。太
僕寺所有駝一百五十隻。每年盡行出牧。現今
八旗動用錢糧餵養駝八十隻。並在廠收放之
官駝共八百九十餘隻。留四百隻在京。每年四
月出牧。至九月回京。餵養其餘駝隻。俱交張家
口外商都等處總管收養。○七年覆准八旗官

馬。交各佐領下馬甲內善於飼秣者餵養。如有
餘贖官馬。呈該都統等令佐領驍騎校等餵養。
仍咨行馬銀。並將實在養馬人姓名入冊。咨行。
如指兵丁姓名冒養馬匹。及兵丁所養之馬。佐
領恃強乘騎者。查出叅奏。交部議處。○又議准。
八旗滿洲蒙古各佐領下。給予三兩錢糧。兵丁
自備之馬。共八百七十八匹。裁去一百七十四
匹。存七百有四匹。增護軍營每旗馬九匹。以備
傳事之用。○十年

諭。八旗官馬。甚關緊要。大臣等甚不留心。以致官馬羸

瘦每於驗看時草率從事。竟有雇馬借馬呈驗者。此皆由大臣素不留心。不烙火印之所致也。爾等傳旨

與八旗大臣等。○又議定。英俊懦弱二營。俱雍正年間設立營

刑。旋由八旗揀養官馬內。撥給二百匹。每兵十

名。給馬一匹。以備輪流操演馬上技藝之用。○

十一年議准。凡出廠之馬駝。如有驚失。仍着落

出廠副都統等官賠補。若遇殘疾倒斃。令該管

官割取耳尾。報副都統註冊。俟回日。交與該佐

領馬。每匹領三月錢糧。駝每隻領存旗房租銀

買補。○十二年議准。派往馬廠副都統等。所有

送京文移。於起程之前。向本旗都統處。將鈐印封套。並鈐印之紙。酌量足用。帶往備用。俟回日。將用過數目。開除。知照都統存案。餘於都統前銷毀。○又奏。查驗馬匹疲瘦。三分者。議處。其不及三分者。免議。乃該管官彼此調換。送驗皆令不及三分。希圖免議。應於出青時。即令各該旗將各佐領下馬匹毛齒。造具清冊。送部存案。回京之日。按冊覈對。驗看烙印。如有調換情弊。將調換之官兵。加倍治罪。該管副都統等官。嚴加議處。○又議。准八旗每年出廠牧放官馬。俱

於三月內起程。八月初間回京。如遇春雨微少。青草遲生之年。肥馬反致羸瘦。且八月初回京。進口民田未及收穫。沿途不無踐踏。嗣後定於四月十五日以後起程出廠。八月二十日以後回廠進京。○十三年

諭八旗所拴官馬。下五旗竟有給王公等之護衛官員親軍等拴養。不時乘騎者。官馬之設。特以備要事之用。每日乘之。俾其勞苦。何得肥壯。著交與八旗大臣等。將各旗官馬。務令應養之人拴養。該管官員等。不可妄徇情面。給予不應拴養之人。令其乘騎。著都統

等不時留心查驗。○又覆准八旗官馬。每年出廠。其
留京之馬。原係選出肥壯備官差之用。即使果
有官差。亦必待兵部印文。方許乘騎。至各旗傳
事查汛。原有豫備之馬。若濫行乘騎。該旗都統
參奏。交部議處。

欽定大清會典事例卷一千一百二十三

八旗都統

兵制 畜牧二

乾隆元年奏准八旗官馬出廠後凡出差馬匹如在五月以前回京者仍送廠牧放如在六月初一日以後回京者即留京餵養○三年議准各旗所有官駝除留京備用外其餘駝馬皆出廠牧放○又奏准八旗佐領下餵養官馬每年兵部酌定留京若干出廠若干奏請

欽命副都統每翼各二人於立夏後四日督率官兵

以次赴馬廠口內每站各給空草二束戶部委
司官一人支給回京日期不必拘定八月九月
酌定天時冷暖草枯遲早豫為定期報部來京
自口進京每站各給空草一束由戶部委官監
放○又奏准出青馬駝沿途縱食田禾及不在
廠牧放踐食田禾者兵丁領催專管官兼管官
副都統分別議處治罪其踐食之田禾皆追糧
賠償地主至強令民人代為看馬及勒索酒食
擾害生事者本人交刑部治罪領催專管官兼
管官副都統亦分別議處治罪○又奏准出廠

各官遇有切近喪事及患病屬實者副都統即
令回京行文該旗另委他官前往至有婚嫁之
事告假者副都統給予一月之限行文該旗視
其事竣值令前往若官馬於一月二十日以内
將次撤回皆不必委官代往其告假之官逾限
不往及副都統等不行詳查即准給假者皆議
處再各官於委出後有逗遛觀望不赴牧廠及
到牧廠潛回者皆革職○又覆准官馬倒斃扣
存三月錢糧買補駝倒斃向係動用房租銀買
補但房租銀所餘無多嗣後官駝如有倒斃扣

存四月錢糧。按時價買補。不敷將房租銀湊買。統於歲終入冊奏銷。○六年議准八旗每年出牧官兵數目。滿洲蒙古每旗委參領一人。護軍參領與驍騎參領按年輪委。滿洲蒙古每參領下委散秩官二人。前鋒校護軍校驍騎校等。每參領下合委一人。滿洲蒙古每佐領下前鋒護軍合委一名。領催馬甲合委三名。出牧各官。遇有切近喪事實係患病及婚嫁之事。准其告假回京。其兵丁有婚喪患病等項事故。亦必覈實。方准給假回京。仍行文該旗補委官兵前往。再

出牧馬駝減少之年。其出牧官兵應令出牧之副都統會同各該旗酌量裁減。○七年奉

旨。出廠馬駝回京之期。報明該部。俟該部咨覆到日。再行回京。○十年奉

旨。八旗餵養官馬。甚為緊要。乃交隨圍馬匹之時。每有以銀交納者。皆平日餵養不勤。而臨時監看交馬之大員。又不加察。以致如此。嗣後八旗都統。不時嚴察。凡遇交官馬時。將八旗都統副都統等職名。當月旗彙奏。每旗各簡一人。令其監看。○又奏准八旗官馬。駝每佐領下。駝一隻。給佐領與驍騎校餵養。佐

領止准養官馬一匹其餘官馬選護軍校前鋒
護軍等餵養不准給大臣子弟再烏槍兵亦須
不時操演應酌給餵養○又奏准八旗馬駝事
務於八旗都統副都統內每旗

欽命一人會同本旗都統查辦○又奏准凡出差人
員所騎官馬奏明領取者照例給予咨取者概
不准給○又奏准八旗官馬駝於該旗都統副
都統內

欽命一人令其專管其馬檔房參領官員驍騎校由
都統等於本旗現任各官內委令兼管○又奏

准交官馬時嚴禁不得勒索用銀一經查出分別與受懲治○十三年奏准凡餵養官馬或有疲瘦不能賠補者將馬撤出於佐領下一應當差人內通行遴選令其餵養○十五年奏准八旗官駝如有倒斃該旗即報當月旗存案如非緊要用駝之時將官駝四月錢糧及皮骨所變之價並戶部增補銀一同領出交當月旗其每月十五日以內咨到當月旗者即令辦買不移交下月其十六日以後咨到者存案移交下月辦買至辦買時當月旗都統等揀委賢員毋逾

原定價值擇其臙壯無殘疾者送當月旗都統等驗看烙印交該旗餵養補額如有餘贖之銀暫存該旗庫內若值

巡幸起程日近遇有倒斃之駝即行買補不必候領四月錢糧即由戶部領取增補銀二十兩並皮骨變價銀照例採買不敷即於平時買駝餘贖銀內酌量湊買如無餘贖之銀暫將戶部增補買駝銀內借支買用俟有餘贖銀補還借項其所買駝數並用過銀數當月旗行文戶兵二部存案於年終各該旗將所買駝及皮骨變價支

領增用銀並餘贖繳還銀各數目造具清冊咨送當月旗當月旗將八旗倒斃駝若干所用銀若干彙奏交都察院查覈○十六年奉

旨每佐領各增收駝一隻○又奏准八旗牧養官馬共二萬七百七十三匹每匹月給馬乾銀三兩近因豆價草價皆昂所支銀不敷購買暫為通融籌辦於所牧官馬內酌撥萬匹在京外牧養熱河撥給馬千匹近京各莊頭撥給馬二千匹此外七千匹交直隸各標營牧養其熱河及各莊頭草料銀由該副都統內務府會計司官赴戶

部支領按月給發直隸各標營就近於藩庫動支。如有剋減草料以致疲瘦者該管官交部議處。兵丁莊頭嚴行治罪。或有倒斃照八旗之例於馬乾銀內按月扣存買補。○十七年奏直隸省各標鎮營並熱河副都統及近京莊頭分養八旗官馬萬匹。現在草豆價值已減。此項官馬或仍交直隸等處牧養。或遵照原奏留京牧養。奉

旨。此項官馬前經交直隸各標營牧養。臆分既屬充足。且聞於該兵丁等亦屬有益。著不必交熱河副都統

及各莊頭俟回鑿後撥出萬匹皆交與直隸總督仍
前分撥牧養。○十九年奏准八旗官駝照官馬例交
與直隸總督分給各標營牧養。○二十三年議
准八旗滿洲蒙古所拴馬一千五百匹並由直
隸餼養馬內撥二千匹分給前鋒護軍等拴養。
○又奉

旨。這所叅侍衛等交該部察議兵丁交該處懲治伊等
應交馬銀於俸餉內照數坐扣完繳嗣後似此逾限
兩月不完繳者照此例辦理。○二十六年奏准嗣後
八旗出青馬匹百匹內倒斃三匹照例割取耳

尾報部照數買補牧馬官員俱毋庸議如馬皆肥壯並無倒斃牧馬官員兵丁俱交部議敘如有倒斃越額者除照例賠補外仍交部議處○二十七年奏准八旗人等應交倒斃失落馬駝銀兩即交各旗催繳如有違限者即行叅奏官員察議兵丁重懲仍照例賠銀其承追不力之該管官一併交部察議又凡隨園時

圓明園健銳營等處添用馬匹有倒斃失落者原由各該處自行交銀嗣後亦交各旗催繳彙總交付各該處○二十八年議准八旗滿洲每旗

向止分拴官馬五十匹。蒙古每旗十六匹。漢軍
每旗十二匹。俟明年回圓時。於直隸餵養官馬
內以四千五百匹撥給八旗滿洲。每旗二百匹。
蒙古每旗一百匹。共二千四百匹。設立官圈。每
旗出派大臣三員。專司餵養。並撥給滿洲火器
營。每旗各一百匹。上三旗親軍營。每旗各一百
匹。餘交前鋒護軍等營官兵分拴。令各該管大
臣等管理餵養。如有倒斃者。每匹扣四月乾銀
買補。若有殘疾。即行變賣。將變賣價銀存儲。扣
三月乾銀抵補。○又議准。嗣後行圓馬匹。實係

在路倒斃將鬃毛烙印裁割報部記檔同時照例賠銀其失落馬匹不准賠交銀兩俱著將有臆壯之馬買補○又議准嗣後出牧酌用察哈爾官兵停派在京官兵惟派副都統二員左右翼察哈爾總管二員將馬匹善為牧放稽查察哈爾擲取偽報等弊每年出牧馬匹倒斃數目合計一百匹內不過六匹者大臣官員交部議餉兵丁酌量獎賞若倒斃十匹以外即著落該管大臣官弁賠補○三十年奏准直隸餵養官馬撤出二千匹分給八旗官員拴養滿洲每旗

一百零八匹。蒙古每旗五十匹。前鋒鳥槍護軍三營共計章京三百八十四員。每員各一匹。其餘三百餘匹。交三營學習行走間散人員及勤慎護軍校等分拴。每年出牧留一千匹騎用。一千匹出廠牧放。○又奏准嗣後揀派察哈爾參領或副參領二員。管理八旗牧廠。○三十四年

諭。每年馬廠派察哈爾侍衛前往。特因伊等深悉水草熟習牧放。實於馬匹有益。今聞得察哈爾侍衛等行赴馬廠時。但看水草於牧馬一切並不經理。殊屬非是。嗣後察哈爾侍衛行抵馬廠。除看水草外。務令馬

肥不致欠騰之處與章京等公同辦理務期有益著
永遠為例。○又議准八旗滿洲每旗撥馬十四。蒙古
每旗撥馬五匹。分給漢軍旗分。檢養。○三十五
年奏准新建火器營於直省餞養官馬內撥出
二千餘匹。覈計該營現檢官馬八百餘匹。共為
三千匹。以備操演技藝。○三十六年

諭

凡隨圍官員兵丁所騎官馬內有倒斃者。係每匹賠
銀七兩。限兩箇月交納。戶部夫官員各有俸銀。勒限
賠補。力尚能支。兵丁每月僅得幾兩錢糧。若亦照官
員一體限兩箇月賠交。不免拮据。致妨生計。嗣後官

員所倒官馬仍限兩箇月賠交。兵丁所倒官馬著施恩在於伊等應得錢糧內每月扣銀一兩完結。著為令。○三十九年議准於直隸餵養官馬內再撥給八旗官圈二千四百匹。合原設圈馬為四千八百匹。又撥給健銳營六百匹。嗣後圈馬每歲全數出青。其八旗分拴之馬二千匹。以一半出青。其餘八旗備差之馬及各營分拴官馬俱不出青。○四十四年議准八旗馬圈每年節省銀兩內滿洲各存銀二千兩。蒙古各存銀一千兩。豫備採買芫草及圈內一切用物。交廣儲司收存。○

四十九年議准嗣後圍馬出青交

欽派兩翼副都統察哈爾總管侍衛等查看如有口
老殘疾著落該旗營賠補仍將該管大臣及餵
養馬匹官員兵丁交部分別治罪又凡遇行圍
進哨時在石片子擊馬如有殘疾口老馬匹經
驗放大臣查出即行叅奏將該管牧放副都統
察哈爾總管等交部議處回圍交圍除瘦弱生
瘡者仍准收領外若下鼻病癩口老俱不准收
著落騎馬官員兵丁照數賠補○五十年議准
於直隸餵養官馬內撥給三旗侍衛一千三百

二十匹。鑾儀衛章京一百三十四匹。粘杆處拜唐阿六十匹。

御茶膳房九十匹。嚮導處四十二匹。善撲營養鷹處養狗處豫備弓箭繳處各四十匹。上駟院三十匹。共一千九百十六匹。○五十一年奏准分給

御鳥槍處藍翎侍衛二員官馬四匹。每人二匹。拜唐阿差使好者十六匹。每人一匹。○五十九年議准裁撤八旗官園馬棚。將所有園馬四千八百匹。分給滿洲每旗四百匹。蒙古每旗八十匹。

八旗護軍營每旗六十匹。兩翼前鋒營每翼八十匹。漢軍每旗四十匹。令各官兵支領馬乾自行拴養。○嘉慶四年

諭向來扈從官員兵丁分領馬匹及馱載官物駝隻回京後竟有不交馬駝以錢文銀兩折交者。派出之王大臣亦視如泛常。准其折交。積弊相沿。朕所素悉。茲據繼善條奏折交馬駝之弊。請加飭禁。其言甚是。與朕所聞無異。各牧廠官馬官駝均有定額。若每次扈從回京。輒行折價交納。則官馬官駝日漸減耗。民間駝馬日漸增多。於事殊有關繫。且恐馬販等串通領

馬之人私自售買轉販他省嗣後監視收馬王大臣自當特加遴派認真稽查並著兵部嚴行查禁如有攜錢折交者即行嚴拏指名奏聞懲究其收馬之胥役等亦不得因禁止折收有意留難別滋弊竇○又

諭

凡每次巡幸騎坐官馬人等於領馬時均係止領銀兩並不領馬俟回京後交馬時亦止抵交銀兩塞責其八旗滿洲蒙古應拴官馬之人於分給馬匹時亦情願不領馬匹折收馬價可以終年支領空頭馬銀肥己是以京師拴馬人少而姦販買馬至各省售賣者甚多嗣後八旗人等拴養馬匹於領馬交馬時務

將此項弊端痛加禁止。現今盛京兵丁等騎來一千六百匹馬。業照兵部所奏分給八旗滿洲蒙古人等。拴養儻仍前每月食空頭馬銀。任意賣馬於馬政不能整肅。則竟不成事體。著將此飭交八旗滿洲蒙古都統副都統等各令章京等務悉心察訪。必使餵養肥壯。仍不時嚴查。以期除杜舊弊。儻有不知法制任意互相買賣者。一經查出。該大臣等即行參奏。儻隱而不奏。被他人指參。定將該大臣等一併治罪。將此通行曉諭八旗滿洲蒙古知之。○又奏准

盛京官兵騎來馬一千六百匹。分交八旗滿洲每

旗一百五十五匹。蒙古每旗四十五匹。○又奏准直隸餵養八旗官馬五千二百九十七匹。全數裁汰。○五年奏准將八旗蒙古每旗所拴馬二百一十匹。撥出六十匹。給予漢軍旗分拴養。以備差務。○又奏准於黑龍江馴馬千匹內。以二百匹留備八旗差用。餘交直隸官兵餵養。○六年議准馱城駝隻。改交護軍營減半出派。章京護軍一百餘員。帶領前往。又此項駝隻。毋庸向太僕寺領取。即照放馬之例。由兵部調取。交與護軍參領收管。○七年奏准增設八旗備差

官馬三千匹交直隸官兵餵養。○八年奏准於八旗滿洲每旗分給官馬四百匹內各撥給鑾儀衛六匹令漢軍冠軍使等給養共四十八匹。○十二年

諭從前八旗設立官園餵養馬匹嗣後分給各旗官兵給養漸致滋弊朕意仍復立園餵養方於馬政有益著八旗都統副都統會同兵部覈議具奏欽此又

命滿洲蒙古八旗每旗都統副都統六人詳悉面會合具一摺兵部暫緩議奏八旗滿洲蒙古都統等

遵

旨陸續奏入又

論該都統等議主復圍者六摺其主不復圍者三摺朕
詳加酌覈自以復圍者為正辦蓋圍馬聚集一處便
於調用點驗易周即有弊端亦可隨時查察若分拴
則散養各處點驗甚難如或疲瘦短少無從稽察再
遇調集之際虛頂捏報其弊更不可勝言此時正當
詳慮熟籌以期行之永久除原議各旗都統等毋庸
再行入議外著派董誥等會同悉心討論詳立章程
妥議具奏欽此遵

旨議定八旗官馬仍照舊例設立官圍八處所有滿洲

八旗分拴馬三千一百五十二匹。蒙古八旗分拴馬六百四十匹。並由前鋒護軍漢軍撤回之原撥蒙古官馬九百六十四匹。共四千七百五十二匹。以二千四百匹立園餵養。餘交察哈爾牧放。每旗立一園。滿洲馬二百匹。蒙古一百匹。歲於立夏出青。霜降歸園。每月滿洲旗分各給公費銀二百兩。蒙古旗分各給公費銀一百兩。即於交察哈爾牧放馬匹。節存馬乾銀內動支。八旗滿洲蒙古各於參領副參領內出派二人。總司園務。並各派章京二員。輪流在園住宿督率。

彈壓滿洲每旗派驍騎校四員領催四名馬甲
三十名蒙古每旗派驍騎校二員領催二名馬
甲十六名分作兩班在團住宿專司餵養其差
使好者三年後官員量請升敘兵丁分別獎擢
儻有剋扣空頭捏報頂冒等弊視其匹數多寡
分別辦理係官降革失察之各上司嚴議係兵
丁治罪失察之該管官議處如有官員私將團
馬乘騎者查出叅辦又立團之後各按旗分分
別鑄造烙印並詳造口歲毛色清冊存案每歲
出青時照冊點交察哈爾收領牧放秋團由熱

河擘馬放馬大臣復將承領官兵名姓及所擘馬之毛片口齒俱於紅單註明回園按照驗明收園以杜偷換之弊如有倒斃者將馬耳鬃尾與烙印割取呈驗每馬一匹賠銀七兩遺失者加一倍賠繳儘呈驗不實查係偷匿捏報照例治罪該管官議處如有在園內倒斃者照牧廠之例三年統計覈算作為十分三年內倒斃一分者官兵分別獎賞二分者免議三分者分別罰懲○又奏點驗園馬每月副都統二人每開兩月查旗御史各輪往點驗一次每季五月都

統點驗一次。凡都統副都統查旗御史新到任者各自點驗一次。如有空頭捏混弊端除管圈官員照例參辦並將上屆點驗不實之員一併參奏。年終咨報兵部奏請。

欽派大臣侍衛等點驗據實覆奏奉

旨。所議查驗圈馬一事除各該旗自行隨時點驗外其奏請欽派大臣點驗一節毋庸由兵部年終請旨自設圈之後著各該旗每月將馬匹是否臙壯足額有無捏報殘斃之處各行陳奏一次。朕不拘時日派員點驗抽查。儻有弊端惟該都統等是問。○道光二十

三年議准兩翼八旗拴馬七百二十八匹。裁減一半。除交出青馬二百九十二匹。再裁撤馬七十六匹。下留官拴馬三百六十四匹。兩翼八旗除撥上駟院等處備差馬九十六匹。十營兵拴備差馬七百二十匹。跑馬七百三十四匹。共計一千四百五十四匹。裁減一半。酌留跑馬五百二十匹。備差馬二百六十四匹。計留馬七百二十六匹。以備十營差操之用。惟所餘馬匹無多。遇有圍差。免其調用。

欽定大清會典事例卷一千一百二十四

八旗都統

兵制

大閱 合標一

大閱○天聰七年定。大兵合操。分八旗護軍為左右翼。漢軍馬步軍為一營。滿洲步軍為一營。四面環列。前設紅衣礮三十及各種大小礮。既成列。營中三發礮。護軍聲喊而進。鬪角而退。次漢軍馬步軍。次滿洲步軍。次礮手發礮。進退之節。均與護軍同。○順治十三年議准。

大閱之禮。酌古準今。三年一舉。永為定制。○十六年

諭大閱典禮。三年一行。已永著為例。連年尚未修舉。今不得再緩。著即傳諭各旗官兵。整肅軍容。候秋月朕親行閱視。該部即詳考應行事宜。擇吉具奏。○康熙二十四年

諭國家武備。不可一日懈弛。舊例每歲必操練將士。習試火礮。傳諭八旗都統等。豫為整備。朕將親閱焉。○三十年奏准。本年春季開操。每佐領前鋒各一名。護軍各六名。鳥槍護軍各一名。馬甲各四名。漢軍馬甲各二名。每旗礮十位。每礮兵十名。火器營兵千五百名。前隊前鋒四百名。前鋒參領

六人。侍衛四人。每佐領護軍各三名。每旗護軍
參領三人。每佐領烏槍護軍各一名。每旗烏槍
護軍參領各二人。每佐領馬甲各二名。每參領
散秩官二人。驍騎校二人。漢軍每旗礮十位。每
礮官一員。兵十名。烏槍兵千五百名。官校每旗
各五人。二隊每佐領護軍二名。每旗護軍參領
三人。每佐領馬甲一名。漢軍馬甲二名。每參領
散秩官二人。驍騎校二人。翼隊前鋒二百名。前
鋒參領各二人。侍衛三人。每佐領護軍一名。每
旗護軍參領二人。每佐領馬甲一名。每參領散

秩官一人。驍騎校一人。護軍。纛每旗三杆。驍騎
纛每參領二杆。都統前鋒統領護軍統領副都
統參領等。均令帶海螺。既成列。令烏槍護軍火
器營兵各放烏槍一次。再鳴螺進兵。至所指處
鳴螺收兵。回兵時。每翼護軍統領一人。副都統
一人。每旗驍騎參領一人。每旗護軍五十名。護
軍參領一人。護軍校每參領二人。馬甲四十名。
驍騎營官。每參領一人。驍騎校一人。領催二名。
令殿後回兵。○雍正六年。兵部照三年舉行之
例具奏。奉

旨。著準備大閱。○又議准。

大閱之禮。最為緊要。嗣後八旗參領佐領間散世爵
護軍校驍騎校及領催兵丁。均由都統副都統
選賢能。簡精銳。其槍礮旗纛金鼓畫角海螺鹿
角之屬。並須整飭。先期開列王公大臣銜名。請
簡命數人。管領行陣。豫行操演。列營布陣。進止步武。
繪成圖式。恭呈

欽定。以垂定制。○乾隆三年議奏。

大閱之禮。照順治十三年定例。三年一次奏請。其辦
理事宜。照雍正六年規制舉行。奉

旨。朕於明年大閱。嗣後遇朕親閱之年。該部豫期具奏。先命王大臣操演。仍三年一次請旨。○二十四年覆定。

大閱典禮。兩翼前鋒營八旗護軍營。驍騎營。應派官員兵丁。並纛旗海螺等項數目。驍騎營每旗二隊。共畫纛十六。隊纛五十六。標纛十六。旗六百七十二杆。海螺一百十二箇。參領二十四員。章京一百六十八員。驍騎校一百六十八員。領催六百七十二名。馬甲二千二十二名。翼隊隊纛二十四。旗二百八杆。海螺五十六箇。參領八員。

章京五十六員。驍騎校五十六員。領催二百八
名。馬甲六百二十四名。○四十三年奏准。嗣後
八旗會演

大閱之期。令八旗都統俱行前往。一同操演。如有緊
要差使不能前往。聲明咨報。其推故不到者。一
經查出。即行叅奏。○四十七年議准。

大閱時。八旗漢軍藤牌兵所用棉甲號帽八百件。交
武備院與盔甲一併收存。

東華門樓俟

大閱時。由各該旗行文武備院領取。令藤牌兵穿演。

○又

諭此項棉甲號帽。每年四季著八旗出派能員會同武備院官員。按時妥為晾曬。○嘉慶十六年奉

旨。國家閱兵大典。每年十月內。閱兵大臣等看視後。照例奏聞。朕臨御十六年來。尚未親行閱看。但念十月時候。天氣寒冷。朕自明年恭謁

東陵禮成後。於三月二十日。在南苑照例親行閱看。所有應行典禮。著各衙門照例豫備。○十七年

諭。此次南苑大閱。朕視排列隊伍處。距閱武臺相隔甚遠。因查歷來大閱規制。雍正年間定例。自鹿角排列

處至閱武臺二百九十七丈。乾隆三十九年。自鹿角
排列處至閱武臺一百七十五丈。自係因舊制相距
較遠。是以排列近前。此次鹿角排列處至閱武臺一
百九十五丈。則轉復移遠。閱視不甚明晰。嗣後每遇
大閱。鹿角排列處距閱武臺著定為一百六十丈。較
之乾隆年間近十五丈。視此次近三十五丈。庶於閱
視陣勢開闔進退。較為明晰。著纂入會典。又奏定
大閱陣圖丈尺。自營至次隊排列處七十五丈。次隊
至頭隊排列處十五丈。頭隊至鹿角排列處二
十五丈。鹿角排列處至初次進步五丈。初次進

步至第十次進步每次五丈。共四十五丈。十次
進步至演舞藤牌進步連環處十丈。演舞藤牌
進步連環處。至頭隊聲喊前進排齊處十丈。頭
隊聲喊前進排齊處。至殿後軍排齊處十丈。自
殿後軍號纛至

閱武臺八十丈。自鹿角至

閱武臺一百六十丈。○又奏准舊例八旗滿洲蒙
古漢軍前鋒護軍營內火器營共三十四營。此
次增添交衝健銳營外火器營官兵。將健銳營
添入左翼外火器營。添入右翼。共為三十六營。

於

大閱前期將派出官員兵丁。在仰山窪操演數次後。

仍在

南苑操演數次。

合操○順治七年

諭我朝原以武功開國。頻年征討不臣。所至克捷。皆恃
騎射。今荷

天庥。天下一統。毋以太平而忘武備。尚其益習弓馬。務
造精良。○八年題准八旗演武教場。各隨旗分建設。

○十三年奏准。冬季農隙之時。令官兵披執操

演以習武事。○十八年題准改設鑲黃旗教場於安定門外。正黃旗教場於德勝門外。正白旗教場於東直門外。鑲白旗教場於朝陽門外。正紅鑲紅兩旗教場均於阜成門外。正藍旗教場於崇文門外。鑲藍旗教場於宣武門外。各設演武廳。該都統等以時督率訓練。○康熙三十年奉

旨。武旗兵丁。令每月操演。如遇大雨。令其停止。○又議奏。向例春秋二季操演八旗官兵。今請於二季令八旗合操四次。此次令在草橋地方操演。奉

旨。此次操演。在兵丁既有照常甲冑射箭之役。其春秋
二季四次操演。止令春秋一次。擐甲。每月操演。着在
各旗教場。如尋常止操演。排列進退。不必屬鞮。止
令帶弓箭。於會操處。揀選佳者。令其騎射。獎勵平
常者。申飭。即如爾等。去年合操。收兵時。止願向左。而
右翼。遂曠。豈非兵丁不熟練之故乎。再草橋操演。不
免踐踏。簡親王牧廠。草橋與南苑。遠近相似。又不妨
踐踏。即馬匹逸失。亦易尋覓。嗣後。著在新衙門西北
隅。曠地操演。八旗合操時。上三旗。著在內尚茶備茶
頒賜。各旗。令該王公。備茶頒給。○雍正四年

諭聞得爾等操演兵丁。稍有未善。即妄加咎責。爾等素日並不加意訓練。朕偶欲閱看軍容。爾等為何遽行將人妄加咎責。爾等理應從容教訓指示。將此曉諭八旗大臣及參領以至兵丁等。○五年

諭八旗護軍統領都統副都統等。所挑訓練之護軍馬甲。俱不肯令烏槍營挑取。殊不知因伊等訓練有成。方行選取。若訓練不精。則人豈肯挑選。但當於挑選之後。將其訓練日期之多寡。登記檔案。若伊等訓練之人。被挑者多。值朕問時。可以陳奏。嗣後伊等訓練之人。爾等照常挑取。將八旗烏槍長槍營之護軍馬

甲。令各營之大臣六人。各分一旗訓練。其餘兩旗亦令均為六分。如此分別訓練。則爾等所教之優劣。亦可知矣。大臣內或有差遣事故者。即著一人暫行代伊訓練。再每旗章京二員。合為一處訓練兵丁。伊等所教之優劣。難以分別。將各營兵丁亦行派為兩分。令其分教。至當差行走之處。仍著一同管理。○又諭長槍營兵丁。亦令學習鳥槍。其長槍不可荒廢。○九

年

諭八旗大臣等訓練兵丁。著查旗御史參領侍衛等前往稽察。○又

諭。朕因八旗兵丁不甚整齊。曾屢降諭旨。命都統等善為訓練。俾各兵丁俱成精銳。乃至今觀之。尚未整齊。此皆都統等未嘗悉心訓練之所致也。著降旨於八旗驍騎營兵丁內。擇其年少無疾而騎射不堪。不能滿洲蒙古語。諸事無能。極為庸劣之人。滿洲蒙古每旗合派一百名。共八百名。八旗漢軍合派二百名。共一千名。或在西廠子。或在聖化寺等處。設立一營。令其習學一切技藝。更於驍騎營官員內。擇其年少而行走怠惰。人甚無能者。滿洲旗分各派二員。蒙古漢軍旗分各派一員。令與兵丁一同學習。此項官兵務

擇其實屬無能者挑取。若所遺人內仍有不及伊等者。朕必將該大臣等治罪。俟訓練一年。使人人皆成精銳之時。則都統等不悉心教訓之處。自顯然畢露矣。朕看伊等慚愧否。至於八旗前鋒護軍內騎射稍優。年力精壯。人材可觀。而未經服習勤苦之人。有情願懇請入於其中學習者。亦著挑選一千名。另立一營。令其學習。挑選之時。務將情由豫行曉諭。果能練習一年。必不至於有誤。可以自保者。再行挑取其前鋒參領護軍參領副護軍參領護軍校之內。有願與兵丁等一同在彼學習者。每旗各派二員。設此兩營。

著將火器營帳房取用。伊等所用之弓箭及一應器械俱著官給。每日學習騎射騙馬所用之馬由上駟院每營給予連筆馬百匹。令伊等親身披卸飼養。以習勤苦。營內一概不許漢語。惟習清語或蒙古語。其教習趨走超距及清語等事。於索倫新滿洲烏拉齊內挑選好者。分為三四班。令其教習。懦弱兵應學之。騎射技藝。即交技勇太監等教習。若仍不勉力勤學。伊等甯不自愧。至於總管二營。不必派委都統等。著將領侍衛內大臣散秩大臣等職名開列。朕酌量派委。令其管理。○又

諭訓練兵丁。甚為緊要。著增挑兵二千名。此所增之兵不必論旗。於教養兵閒散滿洲。或養子閒檔人內。惟視其人材壯健可用者。挑取給予三兩錢糧馬甲米石。將此二千兵。著弘昇與護軍統領博第副都統倭星額。專管訓練。其應派管教之員。著弘昇博第倭星額會同各該都統等酌量派委。其盔甲器械。著工部造給。○又

諭八旗漢軍兵丁。技藝俱未嫻熟。皆由失於訓練所致。今於額數之外。挑選丁壯二千名。另設一營。教習訓練。務期精銳。○十年

論

自古兵可百年不用。不可一日不備。是以帝王之治天下。未有不以武備為先務者。而兵丁之演習武藝。亦未有不勤加訓練而能有成者。從來士農工商。各習一業。苟不專心竭力。則其業必不精。況兵丁所司者。皆戰鬪之事。彎弓扶矢。冒鎗衝鋒。非膂力剛強。不能披堅執銳。非技藝嫻熟。不能克敵宣威。奈何怠惰苟安。虛度歲月。不思國家設兵之本意。不念己身專司之職業乎。國家承平日久。人人耽於安逸。武備漸覺廢弛。今當邊陲用兵之際。是以降旨令勤操演。又念操演之兵。若仍令其直班。則其力難兼顧。而功夫

亦有間斷。是以不令直班。俾得專心訓練。又復給以飯銀資其日用。無非體恤爾等之勤勞也。爾等各宜勉力學習。如騎射長槍之類。必令純熟精強。以成國家之勁旅。以柔弱怯懦為恥。以安逸華麗為戒。人之力量。用則日增。不用日減。如出城操練之際。正可演習步行。又何必騎馬乘車。徒多糜費。若此等者。一經察出。必從重治罪。○又

諭八旗兵丁。訓練甚為緊要。若仍令直班。則操演未有專功。技藝難以純熟。是以特加揀選。令其每日操演。分作兩班。輪流當差。然人果有上進之志。何時不可

龜勉何時不可學習。即如爾等換班之時。原可練習技藝。雖直班之地。不便演放槍礮。而開弓相撲舞棍趨走等技藝。在領班之大臣官員。未嘗不可訓練。爾等毋以未經入選操演。自甘懦弱。不勤加練習也。

又

諭八旗訓練之兵。朕從前特降諭旨。鼓勵訓誨。大臣官員等。理宜將此諭旨。不時宣讀。令兵丁記憶。乃兵丁至今尚有未聞朕之諭旨者。著交與訓練兵丁之大臣及八旗都統等。將朕所降諭旨。多行謄錄於各旗操演及會操之處。宣讀。令兵丁聽聞。其守衛及直班

之處亦著張挂。兵丁無事閒坐時。著該管官教其熟讀記誦。兵丁熟習之後。自互相砥礪。各加奮勉。而每日熟讀。亦可學習國語。如兵丁於半年後尚有不能記憶朕之諭旨者。將該管大小官員定行治罪。○乾隆四年奏准。八旗官兵合操。向用八千七百餘人。若於四分內減去三分。兩黃旗教場可以操演。嗣後每年春季。各於本旗教場操演二次。再於鑲黃正黃二旗教場合操一次。至秋季操演。奏明日期。赴仰山窪合操二次。其隊伍號令。如

大閱之制。

詳見兵部

○七年

諭聞八旗合操時。該都統等皆在帳幕對坐閱看。若不親入隊伍。其進退之節。何能熟練。嗣後合操時。令該都統等輪流親入隊伍操演。○十七年奏准八旗漢軍管領藤牌參領四人。散秩官駝騎校各十六人。領催四十人。藤牌兵八百名。每年春秋二季。四旗合操二次。八旗合操一次。若遇大閱之年。仍令守護礮位入隊操演。○又

諭朕恭閱

太宗文皇帝實錄內載。崇德元年十一月癸丑日。

上御翔鳳樓。集諸親王郡王貝勒固山額真都察院官。

命宏文院大臣讀大金世宗本紀

上諭衆曰爾等審聽之世宗者蒙古漢人諸國聲名顯著之賢君也故當時後世咸稱為小堯舜朕批覽此書悉其梗概殊覺心往神馳耳目倍加明快不勝歎賞朕思金太祖太宗法度詳明可垂久遠至熙宗合喇及完顏亮之世盡廢之耽於酒色盤樂無度效漢人之陋習世宗即位奮圖法祖勤求治理惟恐子孫仍效漢俗豫為禁約屢以無忘祖宗為訓衣服語言悉遵舊制時時練習騎射以備武功雖垂訓如此後世之君漸至懈廢忘其騎射至於哀宗社稷傾危國

遂亡滅。乃知凡為君者。耽於酒色。未有不亡者也。先時儒臣巴克什達海庫爾纏。屢勸朕改滿洲衣冠。效漢人服飾制度。朕不從。輒以為朕不納諫。朕試設為比喻。如我等於此聚集。寬衣大袖。左佩弓。右挾矢。忽遇碩翁科羅巴圖魯勞薩挺身突入。我等能禦之乎。若廢騎射。寬衣大袖。待人割肉而後食。與尚左手之人。何以異耶。朕發此言。正為子孫萬世之計也。在朕身。豈有更變之理。恐日後子孫忘舊制。廢騎射。以效漢俗。故常切此慮耳。我國士卒。初有幾。何因爛於騎射。所以野戰則克。攻城則取。天下人咸稱我兵曰立

則不動搖。進則不回顧。威名震懾。莫與爭鋒。此番往
征。燕兵出邊。我之軍威。竟為八大臣所累矣。故諭爾
等。其謹識朕言。欽此。朕每敬讀

聖謨。不勝欽懍感慕。深惟國家開創之時。我

祖宗躬親勞瘁。勤求治理。矩矱相傳。罔敢踰越。以立萬
世之丕基。至於今。咸受無疆之福者。皆仰遵

明訓所致也。我朝滿洲先正遺風。自當永遠遵循。守而
勿替。是以朕常躬率八旗。臣僕行圍較獵。時時以學
習國語。熟練騎射。操演技勇。諄切訓誨。無非率由舊
章。以傳之奕禩。永綿福祚。惟是我

皇祖太宗聖訓所垂載在

寶錄。若非刊刻宣示。則累朝相傳之家法。外廷臣庶。何由共悉。且自古顯謨令典。多泐之金石。曉諭羣工。我皇祖太宗之睿聖。特申詰誡。昭示來茲。益當敬泐貞珉。永垂法守。著於紫禁箭亭。御園引見樓。及侍衛教場。八旗教場。各立碑刊刻。以昭朕紹述推廣至意。俾我後世子孫。臣庶咸知滿洲舊制。敬謹遵循。學習騎射。嫻熟國語。敦崇淳樸。屏去浮華。毋或稍有怠惰。式克欽承。

彝訓。冀億萬世子孫共享無疆之庥焉。○十八年

諭騎射國語。乃滿洲之根本。旗人之要務。朕今歲校閱

京城世爵。其射箭尚可觀。及人才英俊者。已施恩選取侍衛。並分在各處。令其學習行走。其射箭甚劣。不堪教化者。查明革職。別行承襲。至各省駐防。亦皆有世爵。若不教訓騎射國語。伊等近於素餐安逸之習。必致學為不善。著各省將軍都統等。將伊等不時教導。務使騎射優嫻。國語純熟。如有教訓不化。騎射甚劣者。該將軍都統等。即指名叅奏革職。別行承襲。○二十四年議准。八旗漢軍槍礮藤牌營。嗣後停止春季操演。俱令秋季操演。○又議准。每年八

旗合操。前赴仰山窪地方。距京較遠。往還多費。嗣後將八旗官兵分為二班。酌定二日。於鑲黃正黃二旗教場內。每日派出四旗官兵操演。又每年春季合操停止。嗣後止於秋季。將各旗六營官兵在本旗教場操演之後。再於鑲黃正黃二旗教場內。令八旗官兵均照新定式樣合演。若遇

大閱之年。應在何處如何加演之處。屆期另行請

旨。○三十二年

諭。嗣後凡各旗教場內馬道及操演過馬三槍之處。毋

得仍留溝坎舊迹。○又奉

旨。嗣後操演閱兵時。著添乘馬相衝操演。○三十六年
奏准。八旗官兵添演衝陣馬。若在兩黃旗教場
分為二班操演。其地窄小。於衝陣時難以跑馬。
嗣後定為一日。仍在仰山窪操演。○四十四年
議准。大閱長缺出。由直年旗將應派王大臣職

名奏請

欽點。每年辦理操演事務。○又奏准。嗣後每年操演
所有八旗衝跑官兵。每年按翼奏派護軍統領
二員。將年壯善跑馬者。揀選操練。○五十六年

諭每年合操。大閱長等將八旗官兵合為一處操演。但八旗官兵人數較多。若合一處操演一二次。其操演不齊之處。一時難以查出。着交大閱長等。嗣後合操時。先將八旗官兵按旗演閱後。再合一處會演。